



Broj: 01/5-50-1-5-44/09
Сarajevo, 16.12.2009. godine

ČLANOVIMA KOMISIJE ZA SAOBRAĆAJ I KOMUNIKACIJE:
Sadiku Bahtiću, Selimu Bešlagiću, Branku Dokiću, Savi Eriću, Željku Kuzmanoviću,
Slavku Matiću, Šemsudinu Mehmedoviću, Huseinu Naniću i Mehmedu Suljkanoviću

PREDMET: Izvještaj s Radionice „Energetska zajednica i regionalna sigurnost“, Sarajevo, 15. decembra 2009. godine

Komisija za saobraćaj i komunikacije Predstavničkog doma Parlamentarne skupštine BiH je, u saradnji s Vijećem za regionalnu saradnju (RCC), organizirala Radionicu o temi „Energetska zajednica i regionalna sigurnost“, (u dalnjem tekstu: Radionica), koja je održana 15. decembra 2009., u Sarajevu, u zgradi Parlamentarne skupštine BiH.

Na Radionici su učestvovali članovi Parlamentarne skupštine BiH, državni službenici iz Sekretarijata Parlamentarne skupštine BiH, predstavnici: Ministarstva vanjskih poslova BiH, Vijeća za Regionalnu saradnju i Ekonomski komisije Ujedinjenih naroda za Evropu (UNECE).

Radionica je počela uvodnim obraćanjem Branka Dokića, predsjedavajućeg Komisije za saobraćaj i komunikacije Predstavničkog doma, i Miroslava Kukobata, višeg eksperta za infrastrukturu i energetiku Sekretarijata RCC-a.

Radionica je održana u tri sesije.

Na prvoj sesiji je Miroslav Kukobat imao izlaganje o temi „Energetska i klimatska sigurnost“. Istakao je da su klimatske promjene glavni rizik za povećanje konflikata, nesigurnosti i siromaštva. Potrebna je sofisticirana globalna strategija koja bi kombinirala energetsku efikasnost, promoviranje obnovljivih izvora energije i prirodnog plina, a zatim osigurala način za smanjenje emisije CO₂.

Druga sesija bila je posvećena Ugovoru o energetskoj zajednici i razvoju tržišta u energetskoj zajednici. Naglašena je potreba pomoći zemljama potpisnicama Sporazuma o stabilizaciji i pridruživanju, među kojima je i Bosna i Hercegovina, kako bi provele reforme energetskog sektora i primijenile Ugovor.

Treća sesija odnosila se na prezentaciju Adama Seka, regionalnog savjetnika za energetiku Ekonomski komisije Ujedinjenih naroda za Evropu (UNECE), „Doprinos UNECE-a razvoju energetske efikasnosti u Jugoistočnoj Evropi“.

Ukazano je na značaj energetske efikasnosti, koja je usko vezana s energetskom i klimatskom sigurnošću, konkurentnošću i energetskim rastom.

UNECE je u Bosni i Hercegovini identificirao pravne i zakonodavne prepreke za uspostavljanje energetske efikasnosti. Potrebna je zakonska regulativa za uspostavljanje centra energetske efikasnosti, koji će precizirati lokalne prioritete i koordinirati s međunarodnim donatorima.

Nakon svake sesije slijedila je iscrpna rasprava. Kao rezultat ovih rasprava, prihvaćeni su sljedeći zaključci:

- Ekonomski nivo cijena energenata je preduslov za promociju energetske efikasnosti. Pri tome se mora osigurati zaštita najugroženijih kategorija stanovništva;
- Neophodno je uključiti socijalnu dimenziju u provođenje Ugovora, osigurati učešće i drugih aktera civilnog društva s ciljem široke podrške reformama;
- Uprkos aktuelnoj ekonomskoj krizi, naći načine i investirati u objekte energetske infrastrukture, jer će se region u slučaju nepreduzimanja investiranja suočiti s energetskim deficitima;
- Značajne su potpuno transparentne procedure javnog nadmetanja;
- Promocija uzajamne solidarnosti između država, koja je izgrađena tokom plinske krize;
- Plin postaje suštinsko gorivo, potrebno je da se ozbiljno pristupi realizaciji koncepta Energetske zajednice “The Gas Ring Concept”, tj. magistralnom plinovodu koji će okružiti područje cijele bivše SFRJ i osigurati redovno snabdijevanje plinom;
- Parlamenti treba da izvrše svojevrsni pritisak na vlade u pogledu provođenja neophodnih zakona i regulative;
- Doprinos parlamenta može da bude značajan u osiguranju mehanizama socijalne zaštite kroz dijalog sa socijalnim partnerima;
- Parlamenti mogu da odigraju značajnu ulogu u provođenju Ugovora o energetskoj zajednici.

PREDSJEDAVAJUĆI KOMISIJE
dr. Branko Dokić

Dostavljen:

- naslovu
- a/a